



國家圖書館藏

古籍題跋叢刊

國家圖書館 / 編

GUO JIA TU SHU GUAN CANG

GU JI TI BA CONG KAN

第21冊



北京圖書館出版社

國家圖書館藏古籍題跋叢刊

第21冊

北京圖書館出版社

第二十一冊目錄

〔古籍題跋輯抄〕(二).....	一
寐叟題跋.....	二六一

周賀詩集一卷

此亦書棚本每半葉十行行十八字卷末有臨安府棚北睦親坊南陳宅書籍鋪印一行義門何氏何氏有手跋云東海司寇所有宋槧唐人詩集五十餘家悉為揚州大賈項景原所得此冊經手人朱生乞以分潤後歸憩閑堂主人子之表舅也知余嘗購之因而輟贈籤是王伯穀先生所題云壬辰冬日何焯記於賚研齋案賀初為僧名清塞李龔編其詩入唐僧宏秀集此亦從宋書棚本寫出為金孝章藏書末有題記云甲辰冬十月耿菴借鈔重校又有義門題記云康熙乙酉十二月感寒在告手校又云丙戌秋夕得毛豹孫影鈔宋本又校是冬得王伯谷所藏書

棚本又校改正一字卷末孝章補鈔贈厲元侍御七律一

首宋本無之又黃薏圃題記云甲戌六月見顧竹君藏舊

鈔與宋本多同有異者識於上

方鐵琴銅錄樓藏書目錄

清塞詩二卷

此周賀詩也少年為僧號清塞與無可齊名寶歷間姚合

為杭州讀其哭僧詩云凍髭亡夜刺遺偈病中書擊節歎

賞加以冠巾字南鄉坊間清塞周賀離為二集篇章互混

其留辭姚郎中至送僧四十五首乃荷澤李和父編入唐

僧宏秀集中者也因汰其重複又編四十五首釐為上下

卷仍其舊名余嘗謂詩禪古稱韻品惟唐時鉅公輒欲其

反初不知何意如韓昌黎亦欲冠巾觀靈二老既見觀霜

髭種種為之潛然惜其無及先輩謂其善戲謔今不為虐
兮猶乎否耶隱湖毛晉跋清塞詩宋刻在李和父所編
唐僧宏秀集中周賀詩宋刻自有書棚本在見藏濂溪坊
蔣氏余曾借校於舊鈔本上此冊出自毛子晉以意竄定
非其舊也吾友陶公因係子晉手跋本歸余余亦以汲古
閣重之適聞思菴主昆峯上人處有武林梵天寺賜紫沙
門法欽編唐宋高僧詩集有元祐元年楊無為敘者舊刻
本遂手校異字於每首上方以資考證且此書雖子晉亦
未見過曾於其家刻宏秀集中跋語及之則余所見不差
廣於子晉耶書此誌喜辛未小春二十日復翁記

士禮居
藏書題

唐求詩集一卷

泰興季振宜滄葦氏珍藏

此宋刻唐求詩集與宋刻茅

亭客話同得於友人顧千里所云是桐鄉金諤嚴家物而散入他人手者也從前諸藏書家目錄不多見惟延令季氏書目於唐詩八家條下列其名今卷中有季振宜字詵兮號滄葦一印季振宜藏書印一有泰興季振宜滄葦氏珍藏墨書一行其印延令季氏書目中物無疑卷端有長方印甚古惜其文草辨似三字僅末山字可識此外如危氏木樸與之印陶廬顧涓之印共四印皆表表可見惟紫微館印不知誰氏通卷僅八葉而收藏自元明以來皆知寶貴宜其珍秘若斯余檢書錄解題載唐求詩一卷云唐

唐求撰與顧非熊同時藝文志不載又檢茅亭詩話卷第三有味江山人一條即論唐求事爰影寫宋板二十六行附於此集後非但可以考見其事跡且所載詩與集間有異同可以辨證則此集之與茅亭客話必偕來者豈非奇之又奇乎嘉慶癸亥七月白露後一日蕘翁黃丕烈書於百宋一廬越日余友洞庭鈕非石過訪出示此書云長方印文是鹿頂山三字記以俟考

●禮居舍人重校

十一月朔往候海鹽友人張芑塘芑塘亦愛書好古年已七十自所見古書甚多與長塘鮑淥飲相友善於數年前曾得楊振武家書籍內有宋刊唐求詩集淥飲易去未知今歸何處因余所好收為宋本故爾談及而不知此書之已

為余有也歸而筆諸是集之副葉以見古書源流有不謀


而相為印證者堯翁

書

禮

居

藏



甲乙集十卷

泰興季振宜滄葦氏珍藏 去歲顧澗賓秋試歸余言有
宋版羅昭諫甲乙集惜去遲為他人得去心甚怏怏既而
坊間人自金陵歸者告余顛末蓋是書在委巷骨董鋪嘉
定瞿木夫往觀之需四兩銀未能決其為宋刻且欲俟澗
賁去一決之故遲之未得也有顧某者在席氏掃葉山房
作影素不識古書聞白堤錢聽默在彼急取是書相質聽
默本老眼性又直曰此等宋板書何待看耶顧某狂喜即
持銀易歸并欲聽默定價聽默估以數金顧某頗不愜意
以為宋板書天壤希有我從未買過今幸得之非重直不
肯售遂居奇雖欲索觀必親自解包一展卷而已什襲藏


之直視也此書為至寶矣余所有惟舊刻羅集亦有一本
惜止四卷并無目故聞有十卷本欲蓄之以為全璧也議
價至一斤金牢不可破時余方北行未成交易頃自都門
旋里問坊人知尚未銷如願償之而全書始獲至寶之說
竟與少見者同病夫亦可笑已因思甲寅秋同年蔣賓岵
曾在金陵得宋本孟東野集贈余為季滄葦安麓村所藏
今觀是書圖章正同兩書同出一源而散失不知何時今
復俱歸插架翰墨因緣何其深與卷首有文太清漁洋山
人兩家圖章余所藏書未之見更足以罕見珍故特表出
之至於十卷本毛刻亦然然字句不盡合諒未見宋刻廬
山真面目當以此為最耳嘉慶辛酉夏六月望前一日揮

汗書黃丕烈癸亥夏五月望日重展讀於新居縣橋之
百宋一廬中并取四卷殘宋本展對一過彼印本差後紙
背有至正十一年字蓋元印也舊藏毛氏汲古閣與席玉

照家堯翁識

識

士禮居藏
書題跋



唐女郎魚玄機詩一卷

唐女道士魚玄機詩集陳氏書錄解題載其名其書則世未之聞也癸亥閏餘之月五柳主人以書棚本朱慶餘詩集易余番錢十圓而去謂是蘭陵繆氏物且聞其家多宋刻卜種皆善本惜遲遲散出大都為居奇計余亦利其有故于其始出也不惜以重直豔之既而五柳主人云有魚玄機集亦宋本也余聞其名急欲一觀適五柳主人出弔海甯遷延不獲見所謂魚玄機者方悵然若有所失忽從他處遇之即此唐女郎魚玄機詩集也書厘十二葉耳索白銀八金惜錢之癖與惜書之癖交戰而不能決稽留者數日矣至是始許以五番售余可云快甚而後乃今百家

一塵又添一名書好事之機余竊自哂此集無別本可對
偶取洪邁唐人絕句韋穀才調集本證之題句亦互異蓋
洪韋本俱宋刻而有不同於此者可知宋時亦非一本烏
能執而同之耶遂用別紙條載其後是本出項墨林家尤
為可寶朱承爵字子儋據列朝詩集小傳知為江陰人世
傳有以愛妾換宋刻漢書事其人亦好事之尤者唐女郎
何幸而為其所珍重若斯沈勁寒不知何許人茶僊一印
更不知其姓與名俟博訪之嘉慶八年三月望春盡日挑
鐙讀畢書黃丕烈茶僊一印是義門先生圖章辛未仲
冬獲觀因附誌於此

士禮居藏
書題跋